

მალდივის კუნძულები

ადგილს, რომელიც ტექსტი მო-
გიყვება, ფედაშინის სამოთხეს ეძა-
ხიან. საინტერესოა, რას გულისხ-
მობენ ამაში? ნაიკითხე ტექსტი და
იპოვე პასუხი ამ კითხვაზე.

გსმენია რამე მალდივის კუნძულებ-
ზე? ისინი ინდოეთის ოკეანეში არის გა-
ფანტული. რუკას თუ დახედავ, ზურმუხ-
ტის ყელსაბამი გეგონება. ცოტა კი არ
არის – მარჯნის 1190 კუნძულია. მარჯანი
წყლის ცოცხალი ორგანიზმია, რომელიც
საცეცებით არის მიმაგრებული ოკეანის
ფსკერზე. კუნძულების პლაჟებზე ყვითე-
ლი ქვიშაა. იქვე ბუნებრივი ლაგუნები –
ზღვას მოწყვეტილი პატარა ტბებია. სანა-
პიროებზე მწვანე პალმები ხარობს. ეს ად-
გილი ნამდვილ სამოთხეს ჰგავს.

მალდივი აზიის ყველაზე პატარა რეს-
პუბლიკაა. ამავე დროს, იგი მსოფლიო-
ში ყველაზე დაბლა მდებარეობს ზღვის
დონიდან. აქ ყველაზე მაღალი
ნერტილი სულ რაღაც 2-3 მეტრია.

მალდიველები მსოფლიოს ყველაზე
გაფანტული ერია. ქვეყნის მოსახლეობა
მხოლოდ 557426 ადამიანს შეადგენს.
აქედან 70000 უცხოელია. მათი უმეტესობა
ტურის-ტულ ბიზნესში არის ჩართული.
აბორიგენი მალდიველები 185 კუნძულზე
ცხოვრობენ. დანარჩენ კუნძულებს კი
ტურისტული ან სამეურნეო მიზნით
იყენებენ. მათი ძალიან დიდი ნაწილი
დაუსახლებელია.

მართალია, მალდივის საერთო ფარ-
თობი მცირეა, მოსახლეობაც ცოტაა. მიუ-
ხედავად ამისა, ეს ქვეყანა მსოფლიოში



ძალიან განთქმულია. თეთრ პლაჟებს გარს
მარჯნის რიფები აკრავს. ისინი ბუნებრივ
ლაგუნებს ქმნის. რიფებს **კამკამა** წყალი
რეცხავს. უბერავს ნოტიო ქარი და ჰავაც
ზომიერია. თუმცა აქ ტროპიკული **მუ-
სონებიც** ხშირად იცის. მალდივის კუნძუ-
ლებთან საუკეთესო ადგილია წყალქვეშ
ცურვისთვის ანუ დაივინგისთვის. ტურის-
ტებს განსაკუთრებით იზიდავთ მარჯნის
ბალები. იქ 2000-ამდე სახეობის ზღვის
ცხოველი თუ თევზი ბინადრობს. მათ
შორისაა გადაშენების პირას მყოფი ვე-
შაპისებრი ზეიგენი, ასევე, მარჯნის რიფის
ფერადი თევზები.

სამწუხაროდ, გლობალური დათბობა
მალდივის კუნძულებს საფრთხეს უქმნის.
XX საუკუნის დასაწყისიდან წყლის დონემ
20 სმ-ით აიწია. ამით კი კუნძულების ჩა-
ძირვის საშიშროებამ იმატა. ეს საფრთხე
იმდენად სერიოზულია, რომ ქვეყნის მთავ-
რობამ ინდოეთში მიწის შესყიდვაც კი დაიწ-
ყო. თუ წყლის დონე მეტისმეტად აიწევს,
მოსახლეობის იქ გადასახლება იგეგმება.
ამ საოცარი კუნძულების ჩაძირვა ყვე-
ლასთვის დიდი დანაკარგი იქნება. თუმცა,
როგორც ამბობენ, ჯერ საშიში არაფერია.
მალდივის კუნძულები კვლავ რჩება მსოფ-
ლიოს ულამაზეს და უმშვიდეს ადგილად.

ტექსტი გადამუშავებულია ბაკურ
სულაკაურის „მსოფლიო საოცრებების“
მიხედვით.

რა გაიგე საინტერესო მალდივის
კუნძულების შესახებ?



ტექსტის გაგება

ყოველ შეკითხვას შეურჩიე თითო სწორი პასუხი.

1 რა არის პირველი აბზაცის მთავარი იდეა?

- ა) მალდივი ინდოეთის ოკეანეში გაფანტული მარჯნის კუნძულებია.
- ბ) მალდივის კუნძულების პლაჟებზე ყვითელი ქვიშა და მწვანე პალმებია.
- გ) ზურმუხტისფერი მალდივის კუნძულების რაოდენობა არის 1190.

2 მალდივის რესპუბლიკის მოსახლეობა:

- ა) სულ 557426 ადამიანს შეადგენს.
- ბ) ყველა კუნძულზეა გაფანტული.
- გ) მხოლოდ ტურიზმით ირჩენს თავს.

3 რატომ მოსწონთ მალდივის კუნძულები ტურისტებს?

- ა) კუნძულები ზღვის დონიდან დაბლა მდებარეობს.
- ბ) კუნძულები სილამაზით ნამდვილ სამოთხეს ჰგავს.
- გ) კუნძულების უმეტესი ნაწილი დაუსახლებელია.

4 მალდივის კუნძულებს საფრთხეს უქმნის:

- ა) გლობალური დათბობა.
- ბ) სამეურნეო საქმიანობა.
- გ) ტურისტული ბიზნესი.

5 ტექსტის მთავარი სათქმელია:

- ა) მალდივის კუნძულებზე პლაჟები მარჯნის რიფებითაა შემოსაზღვრული.
- ბ) მალდივის კუნძულები ერთ-ერთი საუკეთესო ადგილია დაივინგისტვის.
- გ) მალდივის კუნძულები მსოფლიოს ერთ-ერთი ულამაზესი ადგილია.



▶▶▶ ლექსიკა

1 გაარკვევ საზგასმული სიტყვების მნიშვნელობები.

1. **აბორიგენი** მალდიველები 185 კუნძულზე არიან მიმოფანტული.

ა) ადგილობრივი. ბ) გადასახლებული. გ) დასაქმებული.

2. რიფებს **კამკამა** წყალი რეცხავს.

ა) თბილი. ბ) ცისფერი. გ) სუფთა.

3. მალდივეებზე ტროპიკული **მუსონი** ხშირად იცის.

ა) ამინდი. ბ) სიცხე. გ) ქარი.

2 რომელია ზედმეტი სიტყვა?

ა) ანკარა. ბ) კამკამა. გ) სუფთა. დ) ცივი.

2 რომელია საპირისპირო მნიშვნელობის სიტყვები (ანტონიმები)?

ა) ანკარა – კამკამა. გ) ნოტიო – მშრალი. დ) ჰავა – კლიმატი.

▶▶▶ გრამატიკა

1 ჩაწერე ფრჩხილებში ჩასმული სიტყვები თანდებულიანი ფორმით.

1. აქ ზღვის (დონე) ----- უმაღლესი წერტილი სულ რაღაც 2-3 მეტრია.

2. კუნძულების ჩაძირვა (ყველა) ----- დიდი დანაკარგი იქნება.

2 სწორად შეარჩიე გამოტოვებული სიტყვები.

1. ძალიან ბევრ კუნძულზე ხალხი არ ----- . (ცხოვრობს / ცხოვრობენ)

2. მარჯნის ბალებში 2000-ამდე სახეობის ზღვის ცხოველი თუ თევზი ----- . (ბინადრობს / ბინადრობენ)

3 დაწერე ნიმუშის მიხედვით.

ნიმუში: ლამაზი – ულამაზესი (ყველაზე ლამაზი).

1. მშვიდი – ----- (ყველაზე მშვიდი). 2. მეტი – ----- (ყველაზე მეტი).



X მიუხედავად ამისა.

☐ მიუხედავად ამისა.

1. ☐ ბევრი კუნძულები.

- ☐ ბევრი კუნძული.

2. ☐ მარჯანის.

- ☐ მარჯნის.

3. ☐ მეტის მეტად.

- ☐ მეტისმეტად.

ବୈଜ୍ଞ

მდებარეობა	
მოსახლეობა	
ჰავა	
ბუნება	
მოსალოდნელი საფრთხე	

2 წარმოიდგინე, რომ აკვალანგით ათვალიერებ მაღდივის ულამაზეს და გასაოცარ მარჯნის კუნძულებს. მისწერე მეგობარს წერილი შენი შთაბეჭდილებების შესახებ. ნამუშევარი გააფორმე ნახატით.

This image shows a blank sheet of white paper with ten horizontal dashed lines, typical of primary-ruled notebook paper. The lines are evenly spaced and extend across the width of the page. There is no handwriting or other markings on the paper.